

Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar, Admir Katica, (u daljem tekstu: Kupac) i

Energoinvest Sue d.d. Sarajevo, ulica Tvornička 3, ID broj 4200420360006, koga zastupa direktor, Slobodan Marjanović, (daljem tekstu: Prodavac)

zaključili su:

UGOVOR

**o nabavci usluga servisiranja UPS-ova za potrebe
Ministarstva unutrašnjih poslova Kantona Sarajevo**

Član 1.

Predmet ugovora je nabavka usluga servisiranja UPS-ova za potrebe Ministarstva unutrašnjih poslova Kantona Sarajevo.

Nabavka je izvršena na osnovu Odluke broj 04-1-11-4-3466 od 13.05.2025. godine i Obavještenja o nabavci broj 1364-1-2-64-3-57/25 od 22.07.2025. godine.

Ugovor se zaključuje u skladu sa uslovima iz tenderske dokumentacije i Ponudom Prodavca, broj 632-AS/25 koji čine sastavni dio ovog Ugovora.

Član 2.

Cijena za usluge servisiranja iz člana 1. ovog Ugovora, iznosi 9.185.00 KM bez PDV-a (devethiljadastotinuosamdesetpet i 00/100 KM).

Član 3.

Rok izvršenja usluge je 30 dana od dana poziva ugovornog organa.

Prodavac se obavezuje da ugovorenu isporuku izvrši u svemu prema propisima, standardima i normama kvaliteta koji važe za vrstu robe koje su predmet nabavke.

Član 4.

Kupac će ugovorenu cijenu plaćati u roku od 30 dana od dana izvršenja usluge i dostavljanja fakture.

Član 5.

Garantni rok za izvršenu uslugu je 12 mjeseci od dana izvršenja usluge. Reklamaciju na kvalitet izvršene usluge Kupac može uložiti pismenim putem u roku osam dana od dana izvršenja usluge.

Prodavac se obavezuje da će reklamaciju na kvalitet riješiti u roku od tri dana.

U slučaju kašnjenja u isporuci roba, do kojeg je došlo krivicom odabranog dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1‰ (promil) naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Član 6.

Prodavac je dužan, u roku sedam dana od dana obostranog potpisivanja ugovora, dostaviti garanciju za dobro izvršenje ugovora u obliku bezuslovne bankarske garancije u iznosu od 10% od ukupne vrijednosti ugovora (vrijednost ugovora sa PDV-om), sa klauzulom plativo na prvi poziv korisnika garancije bez prava prigovora, sa rokom važnosti: rok izvršenja ugovorenih obaveza + 30 dana.

Član 7.

Prodavac se obavezuje da će izvršiti uslugu u skladu sa prihvaćenom ponudom i da će odmah postupiti po eventualnim primjedbama Kupca u pogledu, eventualnih nedostataka. Kupac će utvrditi razuman rok za ispravku propusta Prodavca.

Član 8.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 9.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 11.

Ovaj Ugovor stupa na snagu danom potpisivanja ovlaštenih predstavnika i traje do realizacije ugovorenog iznosa.

Član 12.

Ovaj ugovor izrađen je u četiri istovjetna primjerka, od kojih po dva zadržava svaka ugovorna strana.

PRODAVAC
Energoinvest Sme d.d. Sarajevo
SISTEMI I SPRAY
ENERGIJA D.O.O.
direktor, Slobodan Marjanović
SARAJEVO
01

Broj: 2168-1768/25

Datum: 20.10.2025

KUPAC
MUP KANTONA SARAJEVO
ministar, Ramir Katica

Broj: 04-1-11-4-3466-6

Datum: 01.10.2025. godine